



B. C. D.

LIBRI PRIMI
SECTIO I. CAPVT I.

De

*Medicamentorum eorumque Faculta-
tum notione in genere.*

Icturis de medicamentorum Facultatibus merito
exponendum est, quid sit medicamentum, quid-
que facultas medicamenti.

D Medicamentum sine dubio in genere est ma-
teria remedii, κατ' εξοχήν h. l. pharmaceutici, ex
regno tricorpore desumptum & ad hominem re-
latum. Omnia nempe in toto macrocosmo si considerentur ad
corpus humanum, illud vel iuuant, vel ledunt, vel medio modo se
habent. Quæ iuuant, sunt vel *alimenta*, vel *medicamenta*; quæ la-
dunt, vniuersali notione sunt *venena*; mixta, seu quæ medio modo
se habent, partim iuuant, partim ledunt.

Hinc acceptio horum vocabulorum alia latior est, alia stri-
ctior. Latior enim & laxiori significatu singula sape inter se con-
funduntur, sive quoad totum, sive quoad partes distinctas &
certas respectus fiat. Sic ut cibus remedium est famis, potus fitis;
ita vel apud ipsum Hippocratem alimenta improprie & latius di-
cuntur Φάρμακα, qui ipse terminus από τῆς Φέγεω ἀνθεῖ, a ferendo
remedium dictus rem omnem illustrat magis. Sic medicamenta
eodem nomine veniunt vel accipi possunt, quod, improprie licet,
alant calidum, seu corpus.

A

Sic

Sic veneni notionem eleganter explicat *C. Cassius IC. in lege 236. de V. S.* Locūs ab *Egid. Menagio amanit. iur. ciu. c. 43. p. 425.* laudatus hic est: qui venenum dicit, adiicere debet, vtrum malum, an bonum? Nam & medicamenta venena sunt: quin eo nomine omne continetur, quod adhibitum naturam eius, cui adhibitum esset, mutat: cum id, quod nos *venenum appellamus*, Græci *φάρμακον* dicant. Apud illos quoque tam medicamenta, quam quæ nocent, hoc nomine continentur. Inde adiectione alterius, nomine distinctionis fit. Admonet nos summus apud eos Poetarum *Homerus*. Nam sic ait, *Φάρμακα πολλὰ μὲν ἔσθλα πειρυμένα, πολλὰ δὲ λυγέδα*.

Nimirum μέσον quidem est hoc vocabulum, vsu tamen magis hodie pro noxio sumi consuetum, amplissima licet in latitudine. Quod si quis nouerit, facile capiet, quare inter venena ab autoribus etiam calx viua, pix, minium, imo nihil non corpori aduersum referatur. Et hinc apud *Scaligerum* venena agere dicuntur primis, secundis & tertius qualitatibus.

Speciatim vero medicamentum est, definitore *Galeno I. c. 1. de simpl. med. facult.* omne id, quod naturam nostram alterare potest; alimentum, quicquid substantiam augere, subintellige ex *I. 33. de temperat. c. 2.* substantiam insiti calor, seu nativus. Omne enim, inquit ibidem, nutrimentum, quatenus nutrimentum est, animalis calorem auget.

Notandum tamen dupli nomine augeri calorem, aliquando quoad eius substantiam, aliquando quoad eius qualitatem, teste *Gal. I. c. c. 4.* Substantiam magis adaugent alimenta, qualitatem alterant medicamenta, id quod si ex nostris principiis ad sanguinem & serum applicetur, evidentissime rem omnem licet intelligere. *Alimenta* itaque nutrita substantifice assimilantur, accedunt, & immutatione in massa sanguinea facta, in supplementum consumpti & dispalescentis cooptantur. *Medicamenta* alterant calorem & superantur, ferente id eodem & correto, prædominante item & actuante.

His perpenfis, vi contrariorum venena erint, quæ & substantiam & qualitatem calidi nativi corruptum eunt, eumque subjugant,

DE MEDICAMENTORVM EORVMQUE FACULTATVM NOTIONE. 3
iugant, superant & destruunt, magis vel minus, ut compages principiorum vitalium fatiscat & machina moueri destinat.

Adeoque *alimenta corpori similia* sunt, saltim in fieri, conuentiam habent, in succum & sanguinem conuerti apta; *medicamenta diuersa*, vt diuersum statum, seu alterum a priori, approximantem tamen statui naturali inducant; *Venena aduersa* sunt, sanguini, sero, calori & corpori hinc toti, eiusque vitæ.

Merito autem *mixtam classem* ponere sustinemus, eamque iterum *triplicem*: Primæ classis sunt *alimenta medicamentosa*, vel propositione conuersa, medicamenta alimentosa, vt petroselinum, condimenta ciborum & cibi quidam ipsi, sinapi, iuscula crotata & vinosa, gelatina cornu cerui, mel, saccharum, bellaria & similia, quorum in parte hygiene fieri solet mentio.

Secundæ classis sunt *alimenta venenosa*, vel vice versa, quorum hinc usus vel nullus, vel parcior, vel correctus esse debet, quod exemplo fungorum, prunorum suo modo cereorum, cucumerum, ouorum barbi pisces & similiūm claret, quorsum cicuta loco petroselini apposita, hydrocyami radices comestæ, poma amoris, mala insana &c. referri queunt.

Tertiam classem constituant *medicamenta venenosa*, & *venena medicamentosa*, quorsum referre par est purgantia aua uigil uirorum generatim, vt id largiamur Helmontio & Paracelsø, tum ex his deinceps inotæ, colocynthiaca, helleborum album, esulam, & alia, cum primis antimoniatæ.

Vt taceamus, venena mitigata euadere posse saluberrima medicamenta, & hinc illud valere sepe: vbi virus, ibi virtus, item posse alia quædam in se bona & corpori amica, per accidens noxia & venenata euadere, de quo mox.

Singula hæc ita dicuntur relata, vt diximus, ad hominem, noto enim notius est & homini venena esse, qua aliis animantibus brutis alimenta præbent, vt araneæ gallinæ, cícuta sturnis, & contra ea brutis venena esse constat, quæ homini medicamina sunt, ut aloë vulpibus, nux vomica canibus & aliis.

Homo nempe medicamentorum & omnium horum velut regula est & norma, iuxta quam reliqua omnia huic collata ca-

A 2 lida,

4. Ilda frigida, humida, sicca, alimenta, medicamenta ac venena dici oportet; vid. Gal. l. i. de temp. c. 9. p. 28. seu omnium medicamentorum vires, qualitates & effectus mensurandi sunt ex caloris nativi actione, ceu ad regulam Lesbiam. Regula Lesbia est, iuxta Philosophum l. 6. de morib. c. 14. quæ ad obiectum se accommodat; vt statua Polycleti, autore Galeno l. c. l. i. de temp. c. 9. Canon appellata, inde adeo id nomen fortita, quod partium inter se omnium competentiam ad vnguem habeat. Verba Philosophi hæc sunt: *Structure Lesbie regula plumbea est, nam ad lapidis figuram torquetur & inflebitur, neque regula eadem manet.* Nihil conuenientius dici potuerit. Omnium enim istorum diribitor est archeus, ad omnia pro modulo suo se accommodat, & effectus hinc diuersos, imo sepe plane contrarios sifit, vt medicamentum v.g. purgans sudorem moueat, sudoriferum, quale est opium cum primis, aluum laxet, vel vrinam cieat: quod toto die in praxi videamus.

Sed prius, quam de hoc dicamus viterius, explicandum restat, quidnam facultatis nomine significetur. Facultas iuxta Gal. l. i. de S. M. F. c. i. causa quædam effectrix est, seu agendi quædam vis, *civapic, ἐνέργεια*, potentia. Dari enim quandam facultatem, in purgantibus quidem medicinis purgatoriam, vomitoriam, sternutatoriam, beccchicis becchicam, & in uno quoque alio opere peragendo, quæ denominetur ab eo quod ipsa efficit, fere non est qui ambigat.

Estque hæc facultas duplice in differentia. Alia enim 1. agunt *per se*, ac primario; alia effectum sortiuntur *per accidens*, & secundario, vnde huc pertinet distinctio inter causam vniuocam & æquiuocam, & agens agere non tam iuxta modum actiuitatis suæ, quam receptiuitatis subiecti. Sic camphora calefacit per se, refrigerat per accidens, dissipando & rarefaciendo. Sic aqua frigida refrigerat per se, ipso sensu teste. Per accidens vero & febres inducit, & tetano prodest, teste Coos. aph. 21.

2. Alia agunt & exerunt hanc facultatem suam *aetu*, alia *pote-*
state; illa velut de praesenti; hæc, ut Gal. l. c. loqui amat, in futuro tempore, seu cum aliqua mora; vt aetu calefacit ignis, refrigerat glacies, humectat aqua, siccat creta; potentia calefacit piper,

pyre-

A

pyrethrūm, castoreum; refrigerant acida, præcipitantia; siccant sp̄i-
ritus vini. Actualis illa vis magis in qualitatibus passiuis emi-
nens est, in humectando & siccando; potentialis in actiuis, cale-
faciendo & refrigerando. Hinc potestate ea esse dicimus, quæ
quid dicuntur id nondum sunt, sed facile id fieri possunt, Gal. l. i.
de temp. c. 4.

Potentia ergo hæc limitata est ad ipsum actum, seu intel-
ligitur actuandi potentia, vt actu talia fiant, ac quod actu talia
sint, id a nobis accipiunt, id. ibid. l. 3. c. 1. vnde regula illa: frustra est
potentia, quæ non deducitur vel deduci potest in actum. Et hæc
ipsa deductio in actum non solum necessaria in iis, quæ manife-
stis qualitatibus gaudent, quod vult Sennertus l. 3. prax. p. 2. sect. 2.
c. 7. p. 386. secutus Zabarellam, qui in actum deduci esse ait, cum
qualitates, quæ in mistione contrariorum contemporatione atque
amicitia quasi absconditæ latebant, mistione soluta sensibiles fi-
unt; sed etiam in occultis dictis, quod negant dicti autores, argu-
entes, quod qualitates occultæ corpore, cui insunt, etiam integro-
manente, nihilominus sese exerere, & in alia agere possint, vt in
magnete, vitro antimoniī & similibus manifestum sit, vnde & eod-
rum rationem infirmā scribit Sennertus l. c. qui aurum nullam
in corpus nostrum habere efficaciam statuunt, ideo quod a calore
nō ostro solui non possit.

Certum potius est, quicquid non actuatur, seu in actum de-
ducitur a calore nostro, illud eundem vel corpus non afficit, seu
venenum fuerit, seu alimentum, seu medicamentum. Sed hæc
magis patebunt, vbi de viribus his seti modo agendi specialius a-
gemus. Dicendum enim prius est de quibusdam diuisionibus &
classibus medicamentorum.

Sic 1. aliud *simplex* est, vel *compositum*. Simplex unum est
numero, in se consideratum, compositum duo vel plura inter se
mixta notat. Simplicia nempe medicamenta sunt illa ipsa, quæ
ex vegetabilibus, animalibus & mineralibus asterandi illa, gene-
raliter accepta, vi pollent. Neque enim nisi tria hæc regna dantur,
licet nonnulli marina, vel metallica, aliaque seorsim recenseant.
Liberum interim est & perinde, prout quis partiri illa velit, quæ

videntur disparata, an omnia ex vegetabilium genere ad regnum vegetabile, ex animalium genere ad animale v. g. referre, respi-ciendo originem; an vero, attendendo naturam & similitudinem seu conuenientiam, etiam ex utroque hoc deprompta mineralibus accensere. Sic tartarus respectu originis suæ ad vegetabilia spectat, intuitu vero naturæ suæ ad mineralia pertinet. Sic & lapi-des cancerorum, testacea, calculos &c. animalia suggurunt, & tamen conueniunt magis cum mineralibus.

2. Aliud est crudum, vel præparatum; crudum vocando, idem quod simplex, usui vel mixturæ cum aliis nondum aptatum; præparatum vero, quod illud iam obtinet; seu præparatum sit grossiori modo, Galenice, vel subtiliori & chimice. Receptum vero in specie usui est, præparata vocare puluerisata, & affusione aquæ de-stillata conuenientis lauigata, vt lapides cancerorum præparati, cornu cerui usum præparat. Est quippe horum unumquodque hoc ipso iam ita præparatum, vt statim assumi queant. Nihil igitur miri est, ait Gal. l. 3. de temp. c. 1. si medicamenta quoque pri-mum quidem in parua & tenuia frangi postulant, vt actuari me-lius possint; secundo loco, vt tempore aliquo, tametis etiam mi-nimò, corpori nostro, quo actuentur, sint adiuncta.

3. Aliud internum, aliud externum, aliud vero mixtum. Valet de his regula Galeni l. 3. de temp. c. 3. p. 45. Nihil foris, intusque parem agendi facultatem habet. Alia quippe est actuandi seu calorem af-ficiendi & recipiendi ratio. Hinc curiose hæc ipsa quoque seligen-dia sunt, & vel non interne propinanda, quæ externo solum desti-nantur usui, vel vice versa. Sic gialapa interne solum purgat, sic arsenicum externe fere solum adhibetur, vt & mercurius sublima-tus, butyrum antimonii, aliaque summe activa. Sic aloe, colocyn-this, spiritus vini, olea &c. interno & externo usui inseruiunt.

Hinc coronidis loco ex dictis patet, (1.) alimenta temperata esse, nec adeo actiua, sibi relicta, medicamenta magis actiua esse, itidem tamen in sua latitudine; summe vero omnium actiua esse venena.

(2.) Que interne vires suas exerunt, etiam valde actinas & po-tentes, externo usui non nisi refractas exhibere, exemplo opii, & pur-gan-

DE PRINCIPIIS AGENDI.

gantium, adeoque largiori & longe maiori quantitate ibi applicanda. *Quæ vero externe potenter vires exerunt, non nisi refracte & parcissime interius propinanda, exemplo cantharidum, & similium.*

(3.) *Quæ vero resoluta apta magis sunt, vel etiam diuersum respectum agendi obtinent, alia interne & externe potenter vires exprimunt. Sic mercurialia utroque modo cum fructu adhibentur. Sic spiritus vini, sed diuerso fine, interius hauritur, & extus applicatur; par ratio est vini ipsius, aloes & aliorum.*

Merito ergo medicus, tanquam naturæ minister, eiusque arcanorum promus condus, de actione & cognitione harum facultatum debet esse sollicitus, ne, quod aiunt, medicamenta fiant gladius in manu furiosi, vel saltem, ne empirice procedatur, solo effectu citra rationem obseruato.

LIBRI I. SECT. I. CAPVT II.

De

Principiis agendi.

Duo haec summa quasi capita sunt obserienda, tanquam fundamenta omnis doctrinae huius, de materiae medicæ seu medicamentorum facultatibus; 1. *principia agendi*, unde fluat & producatur vis ista, in quibus residet, cui adscribenda sit, quare ita agat, calefaciat v.g. humectet, refrigeret, siccat; 2. *principia cognoscendi*, an ita agant; Verbo τὸ ὄτι, & τὸ διότι. Licet vero videatur contra principia analytices esse, prius de causis, quam de effectu sciscitari & disquisitionem instituere; distinguendum tamen est inter facultates iam inuentas & inueniendas. In his sine dubio necessarium est, τὸ ὄτι prius indagare, non item in illis. Hoc enim esset actum agere, cum per tot secula iam cognitum sit haec emollire, haec purgare haec somnum cire. In eo solum & potissimum iam medici munus consistit, vt & nouerit quæ sint, & quare sint, cognita habeat intimius, & scientifice hinc procedat.

Principium igitur agendi hoc constituunt qualitates, seu crasis,